

Ўзбекистон Республикаси Президентининг Қ А Р О Р И

АҲОЛИГА ТЕЗ ТИББИЙ ЁРДАМ КЎРСАТИШ ТИЗИМИНИ ТАКОМИЛЛАШТИРИШ ТЎҒРИСИДА

Аҳолига тез ва шошилинч тиббий ёрдам кўрсатишни янада яхшилаш ва яқинлаштириш, шунингдек, 2022 йил 18 март кунги ўтказилган Ўзбекистон Республикаси Президентининг соғлиқни сақлаш соҳаси вакиллари билан “Тиббиётдаги ислохотлар — инсон қадри учун” мавзусидаги очиқ мулоқоти доирасида белгиланган вазифалар ижросини таъминлаш мақсадида:

1. Республика тез тиббий ёрдам маркази (кейинги ўринларда — Марказ) ва унинг 14 та ҳудудий филиали тез тиббий ёрдам хизмати ҳамда тиббий автоҳўжаликлар негизида ташкил қилинсин ва тез тиббий ёрдамнинг ягона вертикал бошқарув тизими йўлга қўйилсин.

2. Белгилансинки: Марказ Қорақалпоғистон Республикаси, Тошкент шаҳри ва вилоятлардаги тез тиббий ёрдам фаолиятини республика бўйича мувофиқлаштиради ва назорат қилади; тез тиббий ёрдам хизмати ходимлари ҳамда махсус автотранспорт воситалари (эҳтиёт қисмлар, ёқилғи-мойлаш материаллари ва бошқалар), дори воситалари ва сарфлаш материаллари, тиббий жиҳозлар таъминоти Марказнинг ҳудудий филиалларига ўтказилади;

Марказ ва унинг ҳудудий филиалларида ситуацион мувофиқлаштирувчи бўлимлар ташкил этилиб, туман (шаҳар) ва ҳудудлардаги тез тиббий ёрдам тизими фаолиятини таҳлиллар асосида бошқаради ва тақомиллаштириш бўйича тақлифлар киритади;

Соғлиқни сақлаш вазирлиги тизимидаги автоҳўжаликлар таркибидagi тез тиббий ёрдам автотранспорт воситалари Марказнинг ҳудудий филиаллари таркибига ўтказилади ҳамда автотранспорт воситаларига

техник хизмат кўрсатиш аутсорсинг шартномалари асосида амалга оширилади; тез тиббий ёрдам автотранспорт воситаларида ёқилғи-мойлаш материалларининг сарфи электрон дастур орқали назорат қилинади.

3. Соғлиқни сақлаш вазирлиги (Б.Мусаев) бир ой муддатда Марказ ва унинг ҳудудий филиаллари уставлари ва тузилмаларини тасдиқласин. Бунда Марказ директориға, зарур ҳолларда, тасдиқланган тузилмаларга ходимларнинг чекланган умумий сони ва иш ҳақи фонди доирасида ўзгартиришлар киритиш ҳуқуқи берилсин.

4. Соғлиқни сақлаш вазирлиги (Б.Мусаев) Молия вазирлиги (Т.Ишметов), Бандлик ва меҳнат муносабатлари вазирлиги (Н.Хусанов) билан биргаликда соғлиқни сақлаш тизими ходимларининг белгиланган умумий чекланган сони ҳамда Давлат бюджетидан ажратилган маблағлар доирасида Марказ ва унинг ҳудудий филиаллари, Республика шошилинч тиббий ёрдам илмий маркази ва унинг ҳудудий филиаллари, марказий туман (шаҳар) шифохоналари ҳамда Соғлиқни сақлаш вазирлиги тизимидаги автоҳўжаликларнинг янгиланган штат нормативларини ишлаб чиқсин ва 2022 йил 1 сентябрга қадар тасдиқласин.

5. Қўйидагилар: Тез тиббий ёрдам сифатини яхшилаш ва аҳолига янада яқинлаштиришга оид чора-тадбирлар дастури (кейинги ўринларда — Дастур) 1-иловага мувофиқ;

Тез тиббий ёрдам хизматини ислоҳ қилишга қаратилган чора-тадбирларни амалга ошириш бўйича ишчи гуруҳ

(кейинги ўринларда — Ишчи гуруҳ) таркиби 2-иловага мувофиқ;

Тез тиббий ёрдам тизимида мавжуд автотранспорт воситалари паркинни босқичма-босқич янгилаш режаси 3-иловага мувофиқ тасдиқлансин.

6. Ишчи гуруҳ (О.Ғазилов): Дастурда белгиланган чора-тадбирлар ижросининг таҳлил қилинишини;

Соғлиқни сақлаш вазирлиги тизимида мақбуллаштирилган бўлим ва ташкилотларнинг белгиланишини ҳамда мулкӣ, молиявий ва меҳнат муносабатлари белгиланган тартибда ҳал этилишини;

тез тиббий ёрдам хизмати бўйича аҳолига қулай ва сифатли хизмат кўрсатилиши борасида чора-тадбирларнинг амалга оширилишини таъминласин.

7. Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, Молия вазирлигининг тез тиббий ёрдам бўйича электрон автоматлаштирилган бошқарув тизимини Тошкент шаҳри тажрибаси асосида республиканинг бошқа ҳудудларида 2023 йил 1 сентябрга қадар тўлиқ жорий қилиш тўғрисидаги тақлифи маъқуллансин.

Бунда 2022 йил 1 декабрга қадар Андижон, Жиззах, Самарқанд ва Сурхондарё вилоятлари, 2023 йил 1 сентябрга қадар Қорақалпоғистон Республикаси, Бухоро, Қашқадарё, Навоий, Наманган, Сирдарё, Тошкент, Фарғона ва Хоразм вилоятлари туман (шаҳар)ларидаги диспетчерлик хизматлари тугатилиб, Тошкент шаҳри тажрибаси асосида Марказнинг ҳудудий филиалларида ягона “Call-марказ”лар фаолияти йўлга қўйилсин.

■ Нуқтаи назар

ҲАР БИР ТАКЛИФ КОНСТИТУЦИЯВИЙ КОМИССИЯ ЭЪТИБОРИДА

Ўзбекистон Республикасининг Конституциясини ислоҳ қилиш фикри ва ғояси бирданига пайдо бўлиб қолгани йўқ. Бош қомусимизнинг 29 йиллиги муносабати билан давлатимиз раҳбарининг Ўзбекистон халқига ва парламентга йўллаган мурожаатида ҳамда Тараққиёт стратегиясида конституциявий ислохотларнинг асосий йўналишлари белгиланган бўлиб, даврнинг ўзи барча соҳада ислохотлар ўтказилишини талаб қилаётгани қайд этилган.

Ана шу ҳаётий заруратдан келиб чиқиб, конституциявий ислохотлар бошлаб юборилди. Айни пайтда аҳолининг барча қатламидан, ҳуқуқшунослар, профессор-ўқитувчилар, олимлар, зиёлилар, нодавлат ва жамоат ташкилотлари вакиллари томонидан Конституцияга киритилиши зарур бўлган ўзгариш ва қўшимчалар бўйича минглаб тақлифлар берилмоқда. Шунинг ўзидек конституциявий ислохотлар қанчалик долзарблигини кўрсатиб турибди.

Аниқ мисоллар билан айтиш мумкин бўлса, қисқа вақт ичида Конституциявий комиссияга 20 мингдан зиёд тақлифлар келиб тушган. Аҳамиятлиси, тақлифларнинг катта қисми ёшларга тегишли. Бу, ўз навбатида, ёш авлод вакилларининг мамлакат тақдирига, олиб борилаётган ислохотларга бефарқ эмаслиги, давлатимизнинг келгуси тараққиёти ва фаровонлигига даҳдорлик ҳисси юксалиб бораётганидан ҳам далолатдир.



УМУМХАЛҚ ҲАРАКАТИГА АЙЛАНДИ

Ўзбекистон барча соҳада тараққиётнинг янги босқичига қадам ташлади. Бугун эса жамиятимиз янада масъулиятли вазифа — амалдаги Конституцияни ислоҳ қилишдек тарихий воқелик арафасида турибди: конституциявий ислохотлар ўзининг қизгин палласига кириб бормоқда.

Назаримда, мазкур жараённинг ўзи барчамизнинг ўз конституциявий ҳуқуқ ва мажбуриятларимизни яна бир бор англаб олишга, аҳолининг сиёсий ва ҳуқуқий саводхонлиги ҳамда маданиятини янада оширишга хизмат қилмоқда.

Бугун юртимизнинг қайси гўшасига борманг, кўча-кўйда, маҳалла гузариди, турли жамоаларда одамлар конституциявий ислохотлар ҳақида суҳбатлашаётганига,

баҳс-мунозара юритаётганига ғувоҳ бўласиз. Бу, биринчидан, одамлар айни жараёнга бефарқ эмаслигини англатса, иккинчидан, ҳақиқат баҳсларда тугилишининг яна бир исботидир. Қолаверса, соғлом баҳс-мунозара ҳар қандай ўзи билдирмоқчи бўлган фикрнинг тўғрилигига ишончини орттириб, элурут равнақи йўлида янги марралар сари рухлантиради.



ЎЗБЕКИСТОН ДУНЁДА ИСТИҚБОЛЛИ ВА ИШОНЧЛИ ҲАМКОР ҚИЁФАСИДА НАМОЁН БЎЛМОҚДА

Дунёда мамлакатлар имижини, ривожланиш тенденциялари, халқнинг яшаш шароити ва фаровонлигига ўзига хос “ташхис” қўйишга ихтисослаштирилган тадқиқот институтлари, ижтимоий сўровномалар ўтказувчи марказлар бор. Бундай институт ва марказлар ҳулосалари ҳар қандай давлатнинг жаҳон ҳамжамиятидаги ўрни, нуфузи ва мавқеини белгилайди.

Замонавий мезонлар асосида янги Ўзбекистонда амалга оширилаётган ҳаётбахш ислохотлар самараси бу каби илмий-амалий марказлар ҳулосаларида яққол акс этиб, мамлакатимизнинг нуфузли халқаро рейтинглардаги обрў-эътибори йилдан-йилга яхшиланиб бормоқда.

■ Таҳлил

Ана шу жараёнда инсон ҳуқуқларини таъминлаш, сўз эркинлиги, тадбиркорликда имтиёзлар бериш, коррупцияга қарши курашиш жабҳасидаги ўзгаришлар кенг эътироф этилганди. Ўзбекистон дунёда истиқболли ва ишончли ҳамкор қиёфасида намоён бўлмоқда.

Таъкидлаш ўринлики, кейинги йилларда юртимизда миллий иқтисодиётимизни ислоҳ қилиш борасида ташқи донор, солиқ ва молия сиёсатини либераллаштириш, тадбиркорликни қўллаб-қувватлаш ва ҳусусий мулк дахлсизлигини кафолатлаш, қишлоқ хўжалиги маҳсулотларини чуқур қайта ишлашни ташкил этиш ҳамда ҳудудларни жадал ривожлантиришни таъминлаш бўйича тавсиячар чоралар қўрилди.

Ўз навбатида, “Инсон қадри учун” таъминоти асосида фаровонлик кўрсатишча-

рини яхшилаш, иқтисодиёт тармоқларини трансформация қилиш ва тадбиркорликни жадал ривожлантириш, инсон ҳуқуқлари ва манфаатларини сўзсиз таъминлаш ҳамда фаол фуқаролик жамиятини шакллантиришга қаратилган ислохотлар ҳаётга изчил татбиқ этилаётгани ютуқлар бардавомлигини таъминлашда муҳим омил бўлмоқда.

Яқинда Жаҳон банки томонидан 2022 йил учун Ўзбекистон ялпи ички маҳсулоти (ЯИМ) ўсиши прогнозлари бўйича ҳисобот эълон қилинди. Нуфузли халқаро тузилманинг 2022-2023 йилларга мўлжалланган глобал иқтисодий истиқболлар бўйича навбатдаги ҳисоботида Ўзбекистон кўрсаткичлари 4,3 фоизгача яхшиланди. Ўзбекистонда 2021 йили ЯИМ ҳажми 734,6 триллион сўмни таш-

кил этди ва ўсиш 7,4 фоиз бўлди. 2020 йили бу кўрсаткич 580,2 триллион сўм бўлган эди. Аҳоли жон бошига ҳисобланган ЯИМнинг ҳажми 21 миллион сўмга етди. Бу 2020 йилдагига қараганда 5,3 фоиз кўп.

Ўтган йили ялпи ички маҳсулот — 7, саноат — 9,5, хизматлар — 20, қўрилиш соҳаси — 6 ҳамда қишлоқ хўжалиги 4 фоизга ўсди. Инфляция даражаси 10 фоиздан паст бўлди.

Экспорт ҳажми 16,5 миллиард долларни ташкил этиб, 2020 йилдагига нисбатан қарийб 1,3 миллиард долларга ошди. Умумий қиймати 12,4 миллиард долларлик 318 та йирик ва 14 мингта ҳудудий лойиҳалар ишга тўширилди. Ижтимоий ҳимояга мўҳтож аҳолининг турмуш шароити яхшиланди.



ХУСУСИЙ ШЕРИК НЕГА ЯККАЛАНИБ ҚОЛДИ?

БУНГА «АГРОБАНК»НИНГ КАСБИ ТУМАНИ ФИЛИАЛИ РАҲБАРЛАРИ АЙБДОРМИ ЁКИ МАҲАЛЛИЙ ҲОКИМЛИК?

Касбилик Бекзод Қиличев тадбиркор йигит. Ушлаган жойини қўйвормайди. Яъни бир ишни бошладим, охирига етказмагунча тиниб-тинчимайди. Ростини, иши ҳар доим ҳам “ўхшайвермайди”. Чунки у “олди-берди”ни ёмон кўради. Халол रिзқ топиб оиласини боқишга одатланган. Шу боис ўзи истиқомат қилаётган Касби туманидаги Хўжакарлик қишлоғида 160 ўринли богча қуришга ер олиш учун қанча вақти кетди, асаблари зирқиради.

Аччиқ, аммо очиқ гаплар

— Тўғриси, ерни жуда қийинчилик билан қўлга киритдим, — дейди “Yulduz Agro” хусусий мактабгача таълим муассасаси таъсисчиси Бекзод Қиличев. — Адолат қарор топди. Лекин богча қуришга келганда, бундай катта муаммоларга дуч келаман, деб

сизга ўйламаган эдим. Аммо қийинчиликлардан қочмадим. 160 ўринли богча қуриш учун тайёрлаган ҳужжатларим асосида Ўзбекистон Республикаси мактабгача таълим вазирлигининг биринчи ўринбосари Б. Онорбоев билан 2021 йилнинг 4 октябри-

да битим тузиб, хусусий шерик мактабгача эга бўлдим...

Алдагани бола яхшимми?

Бекзод Қиличев битим имзоланган куннинг эрта-

сигаёқ ҳужжатларни “Агробанк”нинг Касби тумани филиалига олиб берди. Афсуски, филиал раҳбарлари уни очиқ чехра билан... кутиб олишмади. Нега дейсизми?

— Чунки битим 5,2 миллиард сўмдан зиёд маблағга тузилган бўлиб, бу миқдорнинг 3 миллиард 520 миллион сўми банкнинг 5 фоизли кредити ҳисобидан тўланиши белгиланган эди, — дейди тадбиркор. — Банк раҳбарлари менга “Ўзингизнинг зимма-нигизга олган 1,7 миллиард сўмлик ишни бажаринг, кредитни кейин берамиз”, дейишди.



■ Мулоқот



Мақсад – давлатларимиз ўртасидаги кўп қиррали алоқаларни янада мустаҳкамлаш

Шу кунларда Ўзбекистон Республикаси Олий Мажлиси Сенати Раиси, Одам савдосига ва мажбурий меҳнатга қарши курашиш бўйича миллий комиссия раиси Танзила Норбоева бошчилигидаги мамлакатимиз делегацияси Америка Қўшма Штатларида бўлиб турибди.

Бу ташрифдан кўзланган асосий мақсад давлатларимиз ўртасидаги кўп қиррали ҳамкорликни янада мустаҳкамлашдан иборат. Шундан келиб чиқиб, ташриф-

нинг илк кунда АҚШ расмийлари, жамоатчилик вакиллари ва ишбилармон доиралари билан бир қатор учрашув ҳамда музокаралар ўтказилди.

Парламентлараро муносабатларни фаоллаштириш бўйича келишувга эришилди

Ташриф доирасида делегациямиз раҳбари Танзила Норбоева АҚШ Конгресси Ташқи ишлар қўмитасидаги Осиё, Тинч океани ва Марказий Осиё минтақаси бўйича қўйи қўмита раиси, Калифорния штатидан сайланган конгрессмен-демократ Ами Бера билан учрашди.

Мулоқотда парламентлараро ҳамкорликни янада чуқурлаштириш масаласи кенг муҳокама қилинди.

Конгрессмен 2021 йил октябр ойида Тошкентга ташрифи доирасида АҚШ Конгресси делегацияси аъзолари учун уюштирилган самимий қабул ва Ўзбекистон расмий доиралари билан мазмунли учрашувлар учун миннатдорлик билдирди.

А. Бера Ўзбекистон — Америка ҳамкорлиги истиқболлари ҳақида гапирар экан, Қўшма Штатлар иқтисодиёт ва савдо соҳасидаги ҳамкорликни яхшилаш учун имкониятлар

излаётганини ҳамда Ўзбекистонда ва умуман, Марказий Осиё минтақасида хавфсизликни таъминлаш борасида кўп қиррали шериклики давом эттиришдан манфаатдорлигини алоҳида таъкидлади.

Шунингдек, конгрессмен Ўзбекистонда гендер тенглик ва хотин-қизларнинг иқтисодий имкониятларини кенгайтириш борасидаги саъй-ҳаракатларни қизгин олқишлади.

Учрашув якунида Ўзбекистон — Америка кўп тартибининг долзарб масалалари юзасидан парламентлараро алоқаларни фаоллаштириш бўйича келишувга эришилди.

Мажбурий меҳнатга барҳам бериш борасидаги ютуқлар юқори баҳоланди

Танзила Норбоева бошчилигидаги делегация АҚШ Давлат котибининг Фуқаролар хавфсизлиги, демократия ва инсон ҳуқуқлари масалалари бўйича ўринбосари Уэра Бера билан учрашди.

Унда юртимизда мажбурий меҳнатга барҳам бериш, одам савдосининг олдини олиш ва унга чек қўйиш, қишлоқ хўжалиги соҳасини ислоҳ қилиш, бу борада халқаро тузилмалар ва фуқаролик жамияти институтлари билан ўзаро ҳамкорлик қилиш бўйича ҳуқуқий ҳамда институционал чора-тадбирлар батафсил кўриб чиқилди.

У. Зея мамлакатимизда мажбурий меҳнатга барҳам бериш борасидаги саъй-ҳаракатларни юқори баҳолади ҳамда Ўзбекистон нисбатан қисқа вақтда улкан ютуқларга эришганини ҳамда Қўшма Штатлар мамлакатимиздаги ўзгаришларнинг ижобий динамикасини қўллаб-қувватлаш-

ни давом эттиришга тайёр эканлигини таъкидлаб ўтди.

Унинг фикрича, бу ютуқлар жаҳон бозорига Ўзбекистоннинг тўққимачилик соҳасида рақобатбардошлигини мустаҳкамлайди.

Бундан ташқари, у Давлат департаментининг одам савдоси тўғрисидаги маърузасида Ўзбекистоннинг ўрни “назорат остидаги рўйхат”дан иккинчи даражага (Tier-2) кўтарилганлиги билан қўтлар экан, ушбу саъй-ҳаракатлар давом эттирилишига умид билдирди.

Учрашув якунида томонлар Ўзбекистонда меҳнат муносабатларини янада яхшилаш учун янги лойиҳаларни амалга оширишга келишиб олдилар.

«Ўзбек пахтасига қўйилган бойкот бекор қилингани муҳим воқеадир»

Ташриф доирасида Танзила Норбоева АҚШнинг Европада хавфсизлик ва ҳамкорлик бўйича комиссияси (Хельсинки комиссияси) катта сиёсий маслаҳатчиси Женис Хелвиғ билан учрашди.

Учрашувда бир қатор муҳим масалалар муҳокама қилинди. Жумладан, Ўзбекистоннинг сўнгги йилларда мажбурий меҳнат ва болалар меҳнатига барҳам бериш борасидаги ютуқларига алоҳида эътибор қаратилди.

Қолаверса, Ж. Хелвиғ одам савдосига қарши курашиш ва гендер масалалари билан шугулланувчи, шунингдек, Марказий Осиё билан ишлаш бўйича 25 йиллар тажрибага эга бўлган мутахассис сифатида “Cotton Campaign” халқаро коали-

цияси томонидан ўзбек пахтасига қўйилган бойкот бекор қилингани муҳим воқеадир”, дея таъкидлади. Шунингдек, Ж. Хелвиғ Ўзбекистоннинг Европада хавфсизлик ва ҳамкорлик ташкилоти, айниқса, Демократик институтлар ва инсон ҳуқуқлари бўйича бюроси билан алоқалари барқарорлигига уруғ берди. У мамлакатда ЕХҲТ тавсиялари ва асосий принципларини татбиқ қилиш давом эттирилишига ишонч билдирди.

«Халқ сўзи».

«АЛОҚАБАНК» АКЦИЯДОРЛИК ТИЖОРАТ БАНКИ

РЎЙХАТГА ОЛИШ РАҚАМИ: ЎЗР МБнинг 2021 йил 25 ДЕКАБРДАГИ 48-СОНЛИ ЛИЦЕНЗИЯСИ.

МАНЗИЛ:100047, ТОШКЕНТ ШАҲРИ, АМИР ТЕМУР ШОҲКЎЧАСИ, 4-УЙ.

МОЛИЯВИЙ ҲОЛАТ ТЎҒРИСИДАГИ ЙИҒМА ҲИСОБОТ

2021 ва 2020 йилларнинг 31 декабрь ҳолатига кўра

(млн. сўмда)

№	Моддалар	2021 йил	2020 йил
	Активлар		
010	Пул маблағлари ва пул маблағлари эквивалентлари	1 983 755	735 883
020	Бошқа банклардаги маблағлар	424 016	297 784
030	Қимматли қоғозларига киритилган инвестициялар	468 030	413 851
040	Мижозларга берилган кредитлар, шу жумладан, молиявий ижара	8 358 887	5 923 797
050	Асосий воситалар	1 064 845	615 815
060	Номоддий активлар	65 577	34 331
070	Фойда солиғи бўйича кечиктирилган активлар	23 789	24 420
080	Бошқа молиявий активлар	88 061	27 597
090	Бошқа номолиявий активлар	87 070	58 767
100	Сотиш учун мўлжалланган активлар	-	82 886
120	Жами активлар	12 564 030	8 184 435
	Мажбуриятлар		
210	Бошқа банкларнинг маблағлари	1 647 383	802 399
220	Мижозларнинг маблағлари	6 924 609	4 940 189
230	Бошқа қарз маблағлари	2 281 503	860 859
240	Бошқа молиявий мажбуриятлари	127 675	20 245
250	Бошқа номолиявий мажбуриятлари	37 082	51 833
260	Сотиш учун мўлжалланган мажбуриятлар	-	42 004
270	Жами мажбуриятлар	11 018 252	6 717 529
	Хусусий капитал		
310	Акциядорлик капитали	959 519	959 519
320	Тақсимланмаган фойда	584 728	492 444
330	Эгаликнинг назорат қилинмайдиган улуши	1 531	14 943
340	Жами хусусий капитал	1 545 778	1 466 905
350	ЖАМИ: хусусий капитал ва мажбуриятлар	12 564 030	8 184 435

Ўзбекистон Республикаси Молия вазирлиги (2019 йил 5 апрелдаги АФ № 00780-сонли лицензияси) томонидан тасдиқланган ва унинг барча муҳим жиҳатлари амалдаги халқаро стандартларга мувофиқ тайёрланган. Юқорида келтирилган маълумотлар тўғрисида ахборот банкнинг 2021 йил 31 декабрь ҳолати бўйича ҳисоботи тўғрилиги ҳақида аудиторлик хулосаси бор.

АКЦИЯДОРЛИК КАПИТАЛИДАГИ ЎЗГАРИШЛАР ТЎҒРИСИДАГИ ЙИҒМА ҲИСОБОТ

2021 ва 2020 йилларнинг 31 декабрь ҳолатига кўра

(млн. сўмда)

№		Устав капитали	Қўшимча капитал	Қайта сотиб олинган ўз акциялари	Жами Устав капитали	Сотиш учун мўлжалланган мавжуд қимматли қоғозларни қайта баҳолаш жамғармаси	Тақсимланмаган фойда	Эгаликнинг назорат қилинмайдиган улуши	Жами хусусий капитал
010	2020 йил 1 январь ҳолатига қолдиқ	955 606	3 912	-	959 519	-	374 548	14 875	1 348 942
	Умумий йиллик даромад						117 896	422	118 318
020	Жами умумий йиллик даромад						117 896	422	118 318
030	Эълон қилинган дивидендлар						-	(354)	(354)
050	2020 йил 31 декабрь ҳолатига қолдиқ	955 606	3 912	-	959 519	-	492 444	14 943	1 466 906
060	Йиллик фойда						92 284	254	92 538
070	Эгаликнинг назорат қилинмайдиган улуши бўйича шўъба корхоналарга инвестицияларни кўпайтириш							72	72
080	Жами йиллик даромад						92 284	326	92 610
090	Шўъба корхонанинг сотилишидан чиқиб кетадиган эгаликнинг назорат қилинмайдиган улуши							(13 738)	(13 738)
100	2021 йил 31 декабрь ҳолатига қолдиқ	955 606	3 912	-	959 519	-	584 728	1 531	1 545 778

ПУЛ МАБЛАҒЛАРИ ҲАРАКАТИ ТЎҒРИСИДАГИ ЙИҒМА ҲИСОБОТ

2021 ва 2020 йилларнинг 31 декабрь ҳолатига кўра

(млн. сўмда)

№	Моддалар	2021 йил	2020 йил
	Операцион фаолиятдаги пул оқимлари		
010	Самарали фоиз ставкаси бўйича ҳисобланган фоизли даромадлар	1 048 763	820 590
020	Тўлаб берилган фоизлар	(604 733)	(495 101)
030	Олинган воситачилик ҳақлари	264 028	185 580
040	Тўланган воситачилик ҳақлари	(172 035)	(100 738)
050	Хорижий валютадаги операциялардан даромад/харажат	14 185	(2 325)
060	Шўъба корхоналар сотилишидан олинган даромад	10 657	-
070	Бошқа олинган операцион даромадлар	9 324	3 003
080	Ходимларга тўланган харажатлар	(235 334)	(181 146)
090	Тўланган маъмурий ва бошқа операцион харажатлар	(108 502)	(70 115)
100	Тўланган фойда солиғи	(30 300)	(41 154)
	Операцион актив ва мажбуриятлардаги ўзгаришларга қадар операцион фаолиятдаги пул оқимлари	196 053	118 596
120	<i>Операцион активларнинг соф (кўпайиши)/камайиши</i>		
	Бошқа банклардаги маблағлар	(42 906)	243 408
	Мижозларга ажратилган кредитлар	(2 515 365)	22 414
	Бошқа активлар	(76 979)	(23 321)
	<i>Операцион мажбуриятларнинг соф (камайиши)/кўпайиши</i>		
161	Мижозларнинг маблағлари	1 551 838	(123 954)
162	Бошқа банклардаги маблағлар	839 686	136 939

163	Бошқа мажбуриятлар	91 663	11 729
170	Операцион фаолиятдаги соф пул оқимлари	43 990	385 812
	Инвестиция фаолиятидаги пул оқимлари		
	Амортизация қилинган қиймат бўйича ҳисобга олинган қарз қимматли қоғозларга		
181	инвестицияларни сотиб олиш	(405 746)	(512 918)
	Амортизация қилинган қиймат бўйича ҳисобга олинган қарз қимматли қоғозларни сотиб олишдан олинган маблағлар	368 805	190 000
183	Боғланган компаниялардан сотиб олиш	(53 900)	(970)
	шўъба, қарам ҳўжалик жамиятлари ва биргаликдаги корхоналарга сотишдан ечиб олинган нақд соф пул	21 017	-
185	Асосий воситалар ва номоддий активларни харид қилиш	(509 644)	(301 596)
200	Инвестициявий фаолият бўйича пул маблағлари соф харажати	(579 468)	(625 485)
	Молиявий фаолиятдаги пул оқимлари		
330	Тўланган дивидендлардан	-	(354)
340	Бошқа қарз маблағларини олишдан	1 594 921	605 556
350	Бошқа қарз маблағларини қайтаришдан	(174 654)	(253 225)
360	Молиявий фаолият бўйича пул маблағлари соф пул оқимлари	1 420 267	351 977
	Айирбошлаш курсидаги ўзгаришларнинг пул маблағлари ва уларнинг эквивалентларига таъсири	363 083	50 191
370			
380	Пул маблағлари ва улар эквивалентларининг соф кўпайиши	1 247 872	162 494
390	Йил бошидаги пул маблағлари ва уларнинг эквивалентлари	735 883	573 390
400	Йил охиридаги пул маблағлари ва уларнинг эквивалентлари	1 983 755	735 883

Халқ сўзи

Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 648. 30 259 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Газетамиз ҳақидаги маълумотларни юзлаб олиш учун QR-коднинг телефонингиз орқали сканер қилинг.



ТЕЛЕФОНЛАР:
Девонхона 71-233-52-55;
Котибият 71-233-10-28; Эълонлар 71-232-11-15.



Таҳририятга келган қўлёзмалар тақриз қилинмайди ва муаллифга қайтарилмайди.

Газетанинг ётазиб берилиши учун обунани расмийлаштирган ташкилот жавобгар.

Газета таҳририят компьютер марказида терилди ҳамда оператор М. Бегмуратов томонидан саҳифаланди.

Газетанинг полиграфик жиҳатдан сифатли чоп этилишига "Шарқ" нашриёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:

100000,

Тошкент шаҳри,

Матбуотчилар кўчаси, 32-уй.

Навбатчи муҳаррир — Д. Каримов.

Мусаҳҳиҳ — С. Исломов.

“Шарқ” нашриёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 22.55 Топширилди — 00.20 1 2 3 4 5 6